

**Sumbangan Mandela Terhadap Keamanan Dunia Serlahkan Keberkesanan Prinsip Kesederhanaan
Bernama
30 Ogos, 2013**

KUALA LUMPUR, 30 Ogos (Bernama) -- Perjuangan bekas presiden Afrika Selatan Nelson Mandela untuk mewujudkan keamanan, keadilan dan kebebasan di negara itu menyerlahkan tentang betapa pentingnya prinsip kesederhanaan diamalkan di seluruh dunia, kata Yayasan Pergerakan Kesederhanaan Global (YPKG).

Sambil mengucapkan tahniah kepada Mandela kerana menjadi penerima Anugerah Mahathir untuk Keamanan Global, presiden YPKG Tan Sri Razali Ismail berkata satu perkara lagi yang perlu diberi perhatian ialah kejayaan Mandela mengatasi pelbagai halangan dalam perjuangannya menentang Apartheid mendapat pengiktirafan di luar negaranya.

Katanya Mandela mengamalkan penyelesaian berasaskan kesederhanaan dalam mengharungi perjuangannya.

"Anugerah ini menyerlahkan tentang pentingnya prinsip kesederhanaan seperti yang dianjurkan Perdana Menteri Datuk Seri Najib Tun Razak pada perhimpunan Agung Pertubuhan Bangsa Bersatu pada 2010," katanya dalam kenyataan di sini hari ini.

Anugerah itu disampaikan bekas perdana menteri Tun Dr Mahathir Mohamad kepada presiden Afrika Selatan Jacob Zuma yang mewakili Mandela di Putrajaya pada Rabu.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=973934>